



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-1/21-1-40-191-2/22

Datum: 26.04.2022. god.

«Agencija za vodno područje rijeke Save» Sarajevo rješavajući zahtjev podnesen od strane fizičkog lica Mustafa Bešić iz Kalesije za donošenje Rješenja o prethodnoj vodnoj saglasnosti za ispuštanje tehnoloških otpadnih voda sa lokacije stambeno-poslovnog objekta, koji se planira graditi na zemljištu označenom kao k.č. broj 2466 K.O. Lipovice, općina Kalesija, na osnovu člana 139. stav (1), člana 107. stav (3) Zakona o vodama («Službene novine Federacije BiH», broj 70/06) i člana 218. Zakona o upravnom postupku («Službene novine Federacije BiH», broj 2/98 i 48/99) d o n o s i

ZAKLJUČAK

1. Odbacuje se zahtjev podnesen od strane fizičkog lica Mustafa Bešić iz Kalesije za donošenje Rješenja o prethodnoj vodnoj saglasnosti za ispuštanje tehnoloških otpadnih voda sa lokacije stambeno-poslovnog objekta, koji se planira graditi na zemljištu označenom kao k.č. broj 2466 K.O. Lipovice, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja tehnoloških otpadnih voda u površinske vode ili okoliš, korisnik objekta je dužan da pribavi vodne akte od nadležnog organa.

Obrazloženje

Fizičko lice Mustafa Bešić iz Kalesije je podnio zahtjev ovoj Agenciji za donošenje rješenja o prethodnoj vodnoj saglasnosti za ispuštanje tehnoloških otpadnih voda sa lokacije stambeno-poslovnog objekta, koji se planira graditi na zemljištu označenom kao k.č. broj 2466 K.O. Lipovice, općina Kalesija.

Uz zahtjev je dostavljena slijedeća dokumentacija:

- Ovjerena kopija lične karte;
- Ovjerena kopija grafičkog priloga – situacije za određivanje preduvjeta za projektiranje i odobravanje buduće promjene u prostoru, donesene od strane Službe za prostorno uređenje, geodetsko i imovinsko-pravne poslove Općine Kalesija, broj: 02/2-1-19-1-5457/21 dana 02.11.2021. godine;
- Kopija Zemljišnoknjižnog izvadka broj: NAR-711/22 K.O. Lipovice, ZK uložak broj: 1831 izdat od strane Zemljišnoknjižnog ureda Općinskog suda u Kalesiji dana 18.04.2022. godine; Kopija Rješenja o PVS donesenog od strane Ministarstva poljoprivrede, šumarstva i vodoprivrede Tuzlanskog Kantona, broj: 04/1-11-21-36838/21 dana 31.03.2022. godine;
- Studija za izdavanje prethodne vodne saglasnosti za stambeno-poslovni objekat na k.č. broj 2466 K.O. Lipovice, općina Kalesija, urađena od strane Rudarsko-geološko-građevinski fakultet Tuzla, decembar 2021. godine;
- Dokaz o uplaćenju upravnoj pristojbi.

Nakon pregleda dostavljene dokumentacije konstatovano je slijedeće:

Osnovna namjena planiranog poslovno-stambenog objekta je trgovina mješovitom robom (prizemlje) i stambena jedinica – stanovanje (prvi sprat).

Na predmetnom lokalitetu neće biti produkcije tehnoloških otpadnih voda kao rezultata tehnološkog postupka, kao ni oborinskih onečišćenih voda, kako je to utvrđeno odredbama člana 3. tačka (s), a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20 i 96/20), odnosno nema ispuštanja tehnoloških otpadnih voda u smislu odredbi člana 139. stav (1) tačka 3. Zakona o vodama, u skladu sa članom 218. Zakona o upravnom postupku, te je ovaj organ našao da po podnesenom zahtjevu ne postoje uslovi za donošenje rješenja o prethodnoj vodnoj saglasnosti.

Uvidom u tehničku dokumentaciju dostavljenu uz zahtjev utvrđeno je da se planirani objekat ne nalazi u vodnom dobru, niti je pod uticajem velikih voda rijeke Bosne ranga javljanja 1/100 godine.

Iz razloga naprijed navedenih, a u skladu s članom 110. stav (3) Zakona o vodama i članom 218. stav (2) Zakona o upravnom postupku riješeno je kao u dispozitivu Zaključka.

Pouka o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Zaključka.


Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

Po ovlaštenju
Rukovodilac Sektora za izdavanje vodnih akata



Haris Ališehović, dipl. ing.građ.



Dostaviti:

- Mustafa Bešić, Petrovice bb, 75265 Tojšići
- AVP Sava, ISV – Vodna knjiga
- Sektor 40, arhiva
- Oglasna ploča AVP Sava